

政府下而同胞速圖自保自立之權兼存愛國愛民之志從此挽回既倒之狂瀾撐起將傾之大廈傷羹吹噓亡羊補牢未為晚也如是吾將為四千年之中國幸竊更為四百兆人民幸矣

時事要聞

葡萄牙駐京使臣白朗哥氏日前迭至外務部會議澳門界務頗費唇舌

探聞慶邸府中接到東京最近電報有振貝勒展期本月十八日由東起節回國之說

探聞十三日外務部所遞封奏內有代振貝勒呈遞摺件議者以為即係查覆蔡鈞及學生齟齬之事未知究竟如何容再探登

南京確實消息云駐俄胡星使惟德日前專電致南洋大臣言賠款用銀一節俄仍不准今已轉達外部代奏

在案惟尚未奉覆電

肅邸現派王太守善全前赴日本不日即將啓行惟不知所為何事

衍聖公孔令貽因夫人謝世現擬續絃聞有某邸欲為執柯議及徐頌閣協揆之女公子惟協揆尚未應允蓋

因適衍聖公妝奩非數萬金不可故尚躊躇未決也

日本消息云東京青年國民黨員前因清國留學生與蔡公使衝突之事曾開會集議並致公函於清國公使

館蓋皆忠告蔡使之言茲又因該留學生等往來計議有相率將去日本之狀以為若如此則後來兩國交際

上必有不利之處故又開會提議擬具該黨員意見書陳於日本政府清國政府及蔡公使三處不日即可發

遞云

外部尚書某大軍機被王御史乃徵糾參及辭職各節迭紀本報今又探悉摺中有某視參承如奴婢稍有不

合輒加呵責等語此事言者鑿鑿諒非虛誣緣該尚書到外部時丞參面回公事尚書每坐而不立京中向無此體制王爺中堂亦不能僭傲至此又七月二十六日加稅免釐 諭旨即該尚書所擬將與英國議定商約誤作各國字樣外部左丞瑞良當即請為改正乃該尚書大怒曰我不管他是何國 上諭擬定誰敢妄改一字其固執不通不顧大局至於如此電旨既發當日即接七次覆電力言此旨不妥該尚書悍然不顧既而英使馬凱氏挑駁逼令更換雖將業經改作一經而免釐日期仍屬混渾按二十六日 上諭言之似是即須免釐者然適因王培佑條陳遂借題發揮宣明免釐之日即加稅之日傳聞此第二次 諭旨尚書已推不與聞云 按以上所錄京津知者甚衆私心揣度想必無人敢以此言進於尚書前者然則尚書又何從自辨何以自明耶本館慮其展轉傳述必至失實更有甚於此者用敢據事直書以副大公本旨

駐紮檀香山領事楊蔚彬屢被商民控訴劣跡昭著惡聲洋溢而某星使猶力為袒護今已由外務部電飭撤任蓋此事外人已嘖有煩言美使康格君照會亦曾提及語婉而諷實屬有傷國體故萬難再行掩飾也

直隸候補道孫觀察多祺前往涿州查案已紀前報茲又探悉即係查辦前次鐵路上海洋人被擊之事

中外近事

北京

瘋人被責續聞○彭伯琴主政惟塘江蘇山陽人戊子副榜捐主事分戶部貴州司行走有年亂後趨公甚勤鹿尚書派充司務廳收文差更添一勞平日體氣極胖善啖肥濃痰多異常以事勞而痰涎作祟流入包絡舉動類瘋顛語言每狂妄聞上月二十九日懷條陳到鹿尚書宅中投遞閣人不代傳遞因而大怒大罵大鬧不